


no 2209.



古文奇賞卷之二十二

古吳陳仁錫選評

仁和郎奎金重訂

新城遊北山記

宋 晁補之

去新城之北三十里山漸深草木泉石漸幽初猶騎
行石齒間旁皆大松曲者如蓋直者如幢立者如人
臥者如蚪松下草間有泉沮洳伏見墮石井鏘然而
鳴松間藤數十尺蜿蜒如大虺其上有鳥黑如鴝鵒
赤冠長喙俛而啄礫然有聲稍西一峰高絕有蹊介
然僅可步繫馬石觚相扶携而上篁篠仰不見日如
四五里乃聳鷄聲有僧布袍躡履來迎與之語睟而

顧如麋鹿不可接。頂有屋數十間。曲折依崖壁爲欄。
楯如蝸鼠繚繞。乃得出門牖。相值旣坐。山風颯然而
至。堂殿鈴鐸皆鳴。二三子相顧而驚。不知身之在何
境也。且莫皆宿於時。九月天高露清。山空月明。仰視
星斗皆光大。如適在人上。窓間竹數十竿。相摩戛聲
切切不已。竹間梅棕森然如鬼魅。離立突髻之狀。二
三子又相顧魄動而不得寐。遲明皆去。旣還家數日。
猶恍惚若有遇。因追記之後。不復到。然往往想見其
事也。

跛奚移文

宋 黃庭堅

山谷曠筆
也豈屑爲
此偶比之
人吾正于
號黃外賞
之

女弟阿通歸李安詩爲置婢無所得廼得跛奚蹠蹠
離疏不利走趨顙出屋檐足達戶樞三姬挽不來兩
姬推不去主人不悅厨人罵怒黃子笑之曰堯牽羊
稽可喜而舜鞭之羊不得食堯舜俱疲百羊在谷牧一童子
草露晞而出草露降而歸不亡一羊在其指撝故曰
便人也器之物有所不可則亦有所宜警夜偷者不
以馬司晝漏者不以雞準繩規矩異用殊施天傾西
北地缺東南尺有所不逮寸有所罅子不通之則屨
不可運土簣不可當屨坐而睨之大小俱廢子如通

之則瞽者之耳。聾者之目。絕利一源。取功十百。事固
有精於一。則盡善。徧用智則無功。有所不能。乃有所
大能焉。呼跛奚來前。吾爲若。詔之汝能與壯士拔距
乎。能與群狙賦茅乎。能與八駿取路乎。能逐三窟狡
兔乎。皆曰不能。曰是固不能。閨門之內。固無所事。此
今將詔若可爲者。汝無狀於行。當任坐作。不得頑癡。
自今謹飭晨入庖舍。滌鎗淪釜。料簡蔬茹。留精黜獮。
醬肉法。欲方。膾魚法。欲長。起漉如截肪。煮餅深注湯。
和糜勿投醯醢。蠶曰晚用薑葱。漆不欲焦。旋菹不欲黃。
飯不欲著牙。楊盆勿注沙。進火守炷。水汲沸鼎。斟酌。

又有戴花
美女臨鏡
笑春之意

薺毛生熟必告姨媼臨食爬垢揀髮染指舐杓嚼蔬
懷骨事無大小盡當開白食了滌器三正三反拭
蠲潔寢匙覆枕陶瓦髹素視在謹數兄弟爲行牡牝
相當日中事間浣衣漱襦器穢器淨謹循其初素衣
當白染衣增色梔鬱爲黃紅螺蛸光板藍杆草茅蒐
橐皂漿胰粉白無不媚好燥濕處亭尉帖坦平來往
之役資他使令牛羊下來喚雞棲桀撐拒門關閑護
草竊飲飯猶犬堙塞鼠穴凡鳥攫肉猶觸鼎犬舐鎗
鼠窺甌皆汝之罪也春蠶尋臥升簇自裏七晝七夜
無得停火紵麻藤葛蕉任絺綌錫踈手作無有停時

紵緝偷工夫一日得半工一縷亦有餘暑時蘊蒸扇
涼密水薰艾出蚊水盤去蠅果生守樹果熟守宮執
弓懷彈驅嚇飛鳥無得吃嘗日使殘少姆姬罵譏瘡
痢泄嘔天寒置籠衣食畢烘搔癢抑痛炙手攔凍無
事倚牆鞦履可作堂上叫呼傳聲代諾截長續短鳧
鶴皆憂持敏捕拙與巧者儔凡前之爲汝能之不跛
奚對曰我缺於足猶全於手如前之爲雖勞何咎黃
子曰若是則不旣有用矣乎皆應曰然無不意滿

此學王哀僮而擬議之中更有變化

跋王慎中胡笳集句

公云已
讀書喜
老成解事

湓城王寅慎中擬半山老人集句胡笳十八拍其會
合宛轉道文姬中心事甚妙慎中文士孝友清修年
三十。八。未。嘗。知。女。色。葷。羶。不。入。口。一。粥。一。飯。三。十。年。
奉。身。如。山。中。頭。陀。初。無。玷。缺。山。中。人。初。不。接。世。事。故。
其。行。易。持。觀。慎。中。詩。語。所。道。閨。闈。中。意。不。應。是。鐵。人。
石。心。然。能。自。護。持。如。此。所。以。爲。難。

跋贈俞清老詩

公云水意
欲遠鳬鴨
閒眠蘆葦
風霜中猶
有能自得
者

俞清老舊與庭堅同學才性警敏無所不能喜事而
多聞白頭不倦詠諧戲弄則似優孟東方朔之爲人
然資亦卞急少不當其意使酒呵罵又似灌夫蓋寬

公云此與
文章同一
閑紐但難
得人入神
會耳

饒以是忿慍欲祝髮著浮圖人衣曰免與俗子浮沈
余曰公能少自寬俗子安能為輕重去而與祝髮者
游其中雖有道人亦如沅江九肋鼈爾與俗子為伍
脫奔執轡方能信之
方自此始清老蓋疑之至今云

題七才子畫

眉山老書生作此七才子入關圖作人物亦各有意
態予以為趙子雲之苗裔摹寫物象漸密而放浪閑
遠則不逮也或謂七人者皆詩人此筆乃少丘壑耶
得○意○于○荒○寒○平○遠○
山谷曰一丘一壑自須其人胸次有之但筆間那可
得

書贈俞清老

公云公其十
不能相活
留子不足
與語

人生歲衣十匹日飯兩杯而終歲蕭然疲役此何理
邪男女婚嫁緣渠儂墮地自有衣食分齊所謂誕置
之隘巷牛羊腓字之其不應凍餓溝壑者天不能殺
也。今蹙眉終日者正謂百草憂春雨耳青山白雲江
湖之水湛然可復有不足之歎邪。

跋子瞻水山詩

往嘗觀明允木假山記以爲文章氣旨似莊周韓非
恨不得趨拜其履烏間請問作文關紐及元祐中乃
拜子瞻于都下寔間所未聞今其人萬里在海外對

此詩爲廢卷竟日

書林和靖詩

歐陽文忠公極賞林和靖疎影橫斜水清淺暗香浮
動月黃昏之句而不知和靖別有詠梅一聯云雪後
園林纔半樹水邊籬落忽橫枝似勝前句不知文忠
公何緣棄此而賞彼文章大槩亦如女色好惡止繫
於人

跋匹紙

建中靖國元年十月戊子荊州之沙市舟中久雨初
霽開北軒以受涼王子飛兄弟來過適有田氏嘉

問子飛子均皆不能酒而子予自贊曰能因濯子古
銅瓢滿酌歎之曰飲此則爲子書匹紙子予請盡之
既而一舉覆瓢示予因爲落筆不倦是日子予雖醉
而狂語皆無流俗之談亦可以觀其不凡也

書贈王長源詩後

王長源安貧好義簞食瓢飲妻奴不免饑寒而未嘗
忍窮如○缺○石○
作可憐之色向人夫人能自重其在官必能愛民惜
當路未能拭目也相見於京師忽忽不得盡平生朋
友之意長源告行會小人年來苦眩不能苦思因而
廢詩輒以舊詩十許爲贈長源若行登山臨水亦可

公云不以
反畦之面
事上官不
得上官
下陵其

以○代○勞○歌○耳○

書聖庾家藏楚詞

章子厚嘗爲予言楚詞蓋有所祖述予初不謂然子厚遂言曰九歌蓋取諸國風九章蓋取諸二雅離騷經蓋取諸頌予聞斯言也歸而考之信然顧嘗歎息斯人妙解文章之味此其於翰墨之林千載人也但頗以世故廢學耳惜哉

書嵇叔夜詩與姪楨

叔夜此詩豪壯清麗無一點塵俗氣凡學作詩者不可不成誦在心想見其人雖沉於世故者然而攬其

餘芳便可撲去面上三斗俗塵矣。何況探其義味者乎。故書以付復可與諸郎皆誦取時時諷詠以洗心忘倦。予嘗爲諸子弟言士生于世可以百爲唯不可俗。俗便不可醫也。或問不俗之狀。予曰難言也。視其平居無以異於俗人。臨大節而不可奪。此不俗人也。士之處世或出或處或剛或柔未易以一節盡其蘊然卒以是觀之。

題蔡君謨書

君謨書如蔡琰胡笳十八拍雖清壯頗挫時有閨房態處。懽懽

今○日○文○字○所○喜○但○恐○容○易○

題東坡像

木活石潤澄洪古木庶發

元祐之初吾見東坡於銀臺之東其貌不爾紹聖之

曾未夢見
不謂胸汗
氣難之也

元吾見東坡於彭蠡之上其貌不爾紹聖之末有僧

荒林亂石雪失東西

法舟見東坡於惠州之市其貌不爾而彭山石瑜作

東坡之像焉廖宣敘東坡年家子也而謂之然予安

敢獨謂之不然

雜書

潘谷驗墨模索便知精粗凡百工各妙於一物與極

高明深遠然後見山見水

深研細者同一關捩耳魏晉間士大夫往往有人材

風鑒至於反照便如漆墨亦潘谷之流耳

謝講和赦表

岳飛

忠武奉詔
移偽齊徽
曰以祖宗
澤養之澤
翻爲仇怨
率華夏禮
義之俗甘
爭腥羶紫
色餘分擬
氣正結想
其面目何
以臨人又
曰雖同心
一德足以
吞彼國之
梟群然三
令五申豈
忍殘吾宋

武勝定國軍節度使開府儀同三司湖北京西宣撫
使兼營田大使臣岳飛上表言今月十二日准進奏
院遞到赦書一道臣已卽恭率統制領將佐官屬等
望闕宣讀訖觀時制變仰聖哲之宏規善勝不爭實
帝王之妙筭念此艱難之久姑從和好之宜睿澤誕
敷輿情胥悅臣飛誠懽誠忭頓首頓首竊以婁敬獻
言於漢帝魏絳發策於晉公皆盟墨未乾顧口血猶
在俄驅南牧之馬旋興北伐之師蓋夷虜不情犬羊
無信莫守金石之約難克谿壑之求圖蹙安而解倒

垂猶之可也。顧長慮而尊中國。豈其然乎。恭惟皇帝
陛下大德有容。神武不殺。體乾之健。行巽之權。務和
衆以安民。廼講信而修睦。已漸還于境土。想喜見于
成儀。臣幸遇明時。獲觀盛事。身居將閫。功無補于涓
埃。口誦詔書。面有漸于軍旅。尚作聰明而過慮。徒懷
猶豫而致疑。謂無事而請和者。謀恐卑辭而益幣者。
進臣願定謀於全勝。期收地於兩河。唾手燕雲。終欲
復讐而報國。誓心天地。當令稽顙以稱藩。

昔晉文之拔卻穀。孫權之勦呂蒙。文武豈不欲兼
哉。忠武本以勇敢進而旁通。儒業奚數卻呂輩耶。

黃州竹樓記

宋 王元之

古文一味
學景削句
面無深長
之思淵博
之氣大都
白玉蟾一
沉也

黃岡之地多竹大者如椽竹工破之剝去其節用代
陶瓦比屋皆然以其價廉而工省也予城西北隅雉
堞圯毀蓁莽荒穢因作小樓二間與月波樓通遠吞
山光平挹江瀨幽閒遼曼不可具狀夏宜急雨有瀑
布聲冬宜密雪有碎玉聲宜鼓琴琴調和暢宜詠詩
詩韻清絕宜圍碁子聲丁丁然宜投壺矢聲錚錚然
皆竹樓之所助也公退之暇披鶴氅衣戴華陽巾手
執周易一卷焚香默坐消遣世慮江山之外第見風
帆沙鳥烟雲竹樹而已待其酒力醒茶烟歇送夕陽

迎素月亦謫居之勝槩也。彼齊雲落星高則高矣。井
幹麗譙華則華矣。止於貯妓女藏歌舞。非騷人之事。
吾所不取。吾聞竹工云。竹之爲瓦。僅十稔。若重覆之。
得二十稔。噫。吾以至道乙未歲。自翰林出滁上。丙申。
移廣陵。丁酉。又入西掖。戊戌歲除日。有齊安之命。已。
亥。閏三月。到郡。四年之間。奔走不暇。未知明年又在。
何處。豈懼竹樓之易朽乎。後之人與我同志。嗣而葺。
之。庶斯樓之不朽也。

九日自敘

宋 楊萬里

文情高宏
在借重
明亦
雲廬然詩
詩一着

余山墅遠城邑復不近廬市兼旬不識佳味日汲山泉煮湯餅償以寒螿主以脫粟紛不及目歸不及耳余心裕如也偶九日至呼兒問有酒乎曰稱不登無所于釀余仰屋喟曰安得白衣人乎已而所親送至酷余欣然又問有菊乎曰秋未涼菊亦未花余又喟曰既得酒復望菊可乎因悠然獨酌取几上文書一編觀之乃余亡友西溪先生和陶詩也讀至九日間居賦詩云塵爵耻虛罍寒花空自榮東坡和云鮮鮮霜菊豔滴滴糟床聲西溪和云境靜人亦寂觴至壺

自傾則又喟然曰四者難并之歎。今古如一丘之貉也。兒蹠而請曰東坡西溪之和果孰似。余曰小兒何用強知許事。淵明之詩春之蘭秋之菊松上之風澗下之水也。東坡以烹龍庖鳳之剩而飲木蘭之墜落餐秋菊之落英者也。西溪操破琴鼓斷絃以寫松風澗水者也。似與不似。余不得而知也。以蓋於淵明而問焉。

祥瑞策

三代而上祥瑞在天下漢唐以來祥瑞在簡策非古之賤祥瑞而不書也祥瑞滿天下而不勝其書也非

後世之多祥瑞而可書也無中之有寡中之多而不能不書也向使漢唐之世紫極而有堯舜青槐而有伊周宇宙而有太和則尺地寸天在在呈祥岳貢川珍源源錫祉固未易笏計而鞭笞雖族誅剡藤禿盡毛穎有不可記者蘭臺螭蚘之手安能漁獵一二以馥稿竹之載邪簡策無祥瑞天下有祥瑞祥瑞之至也治功之隆也簡策有祥瑞天下無祥瑞祥瑞之衰也治功之薄也嘗讀堯之典舜之典禹臯之謨初不聞某歲某國獻某瑞也又讀文之雅武之雅成康之頌亦不聞某歲某地產某瑞也鳳凰來儀之說蓋因

漢武漢宣
猶不免此
張敞之所
以彈宰相
也

夔之論韶而及之爾不以爲瑞也。屢豐年之說蓋因
論偃武之美而及之爾亦不以爲瑞也。當時之盛問
其君臣則明都良俞也。問其禮樂則神和人欽也。問
其風俗則仁醺義酣也。問其天下則海清砥平也。仰
焉七政齊俯焉萬物遂內焉而邇人安外焉而遠人
格。日月霜露之域飛潛動植之鄉何者非祥瑞耶。何者
非瑞耶。故曰祥瑞在天下後世君臣不唐虞制作不
三代自劉迄李步趨一躅固有獲一麟而作歌者不
知此乃先王郊藪中常物也。固有得一禹而賦詩者
不知此乃先王宗廟中常器也。固有喜而改元

子亦迅但
西漢子
不必如
分疏

者不知此乃先王永圖中常羽也。吳蚕八育時則瑞
乎家而未瑞乎鄉。南稻再熟時則瑞乎鄉而未瑞乎
邑。馴雉翠桑時則瑞乎邑而未瑞乎郡。珠還合浦時
則瑞乎郡而未瑞乎萬邦。露雖甘矣天瑞而抱未瑞
也。泉雖醴矣地瑞而人不瑞也。鴈不朱而赤矣瑞飛
而不瑞。潛兔不浴而白矣瑞動而不瑞。植一有而一
無一至而一不至。汗青之上固不勝其侈矣。較之帝
王之盛世能幾許耶。故曰祥瑞在簡策。

觀誠齋罪嚴助等文用筆端勁亦宋文之錚錚者

六不與

一四

年亦歷日

而不辭替與不替而白矣辭憊而不辭辭一有而一
也泉蠅蠅矣此辭而入不辭也風不來而亦矣辭衆
則辭平憊而末辭平萬隄蠅蠅甘矣天辭而此未辭
身憊衆羣桑和順辭平昌而末辭平憊衆合辭衆
平衆而末辭平憊南辭再憊衆順辭平憊而末辭平
皆不憊此以央王亦圖中常降也吳孫人育衆順辭

跋劉凝之陳令舉騎牛圖

陸游

公卿貴人方黃金絡馬傳呼火城中時欲如二公騎
牛山谷蕭散遺物固不可得若予者仕既黜歸及斥
歸欲買一黃犢代步其費二萬有畸作欄畜童又在
此外遂一笑而止徒有此生猶著幾兩展之歎乃知
二公風流亦未易追也紹興甲寅十二月二十九日
陸某識

劉凝之字隱安小名長生南郡枝江人也慕老萊
嚴子陵爲人推家財與弟及兄子立屋於野外非
其力不食辟召不就性好山水携妻子泛江湖隱

居衡山採藥服食年五十九見晉書余見宋小說
劉伯壽洛陽九老中一老也築室嵩山下每登高
頂回則於峻極中院援筆記歲月題云登頂凡七
十四次矣伯壽旣結菴玉華峰下號玉華菴主有
妾名護草芳草皆秀麗而善音律伯壽出入乘牛
吹鐵笛二草以蘄笛和之聲滿山谷出門不言所
之牛行卽行牛止卽止其止也必命壺觴盡醉而
歸嵩前人以爲地仙云陸放翁羨劉凝之予尤羨
劉伯壽也

李丈叅政罷政歸鄉里某年二十矣時時來訪先君
劇談終日每言秦氏必曰成湯憤切慷慨形于色辭
一日平旦來共飯謂先君曰聞趙相過嶺悲憂出涕
僕不然謫命下青鞵布襪行矣豈能作兒女態邪方
言此時目如炬聲如鐘其英偉剛毅之氣使人興起
後四十年偶讀公家書雖徙海表氣不少衰丁寧訓
戒之語皆足垂範百世猶想見其道青鞵布襪時也
淳熙戊申五月笠澤陸某題

趙鼎闢和議與檜不合檜力排之出知紹興檜率
執政往餞鼎不爲禮以後徙知泉州又提舉洞霄

又移漳又安置在潮又移吉陽軍鼎謝表云白首
何歸。悵餘生之無幾。丹心未泯。誓九死以不移。檜
見之云。此老崛強猶昔。則所謂趙相過嶺。悲憂出
涕者。恐亦傳聞之誤也已。得疾自書墓石其銘旌
云。身騎箕尾歸天上。氣作山河壯本朝。公烈丈夫
豈作兒女子態耶。故一爲辨之。

姚平仲小傳

姚平仲字希晏。世爲西陲大將。幼孤。從父古養爲子。
年十八。與夏人戰。臧底河。斬獲甚衆。賊莫能枝梧。宣
撫使童貫召與語。平仲負氣不少屈。貫不悅。抑其賞。

然關中豪傑皆推之號小太尉睦州盜起徽公遣貫
討賊貫雖惡平仲心服其沉勇復取以行及賊平平
仲功冠軍乃見貫曰平仲不願得賞願一見上耳貫
愈忌之他將王淵劉光世皆得召見平仲獨不與欽
宗在東宮知其名及卽位金人入寇都城受圍平仲
適在京師得召對福寧殿厚賜金帛許以殊賞於是
平仲請出死士斫營擒虜帥以獻及出連破兩寨而
虜已遠徙去平仲功不成遂乘青驃亡命一晝夜馳
七百五十里抵鄧州始得食入武關至長安欲隱華
山顧以爲淺奔蜀至青城山上清宮人莫識也畱一

日復入大面山行二百七十餘里度采藥者莫能至
乃解縱所乘驟得石穴以居朝廷數下詔物色求之
弗得也乾道淳熙之間始出至丈人觀道院自言如
此時年八十餘紫髯鬱然長數尺面奕奕有光行不
擇崖塹荆棘其速若奔馬亦時爲人作書頗奇偉然
秘不言得道之由云

人不得道生老病死四字關誰能透過獨美人名
將老病之狀尤爲可憐李夫人馬伏波是也夫紅
顏化爲白髮虎頭健兒化爲雞皮老翁亦復何樂
西子入五湖姚平仲入青城山他年未必不死直

是不見末後一段醜境耳故曰神龍使人見首而
不見尾

師伯渾文集序

乾道癸巳予自成都適犍爲識隱士師伯渾於眉山
一見知其天下偉人予旣行伯渾餞予於青衣江上
酒酣浩歌聲搖江上水鳥皆驚起伯渾飲至斗許予
素不善飲亦不覺大醉夜且半舟始發去至平羌酒
解得大軸於舟中則伯渾醉書紙窮墨燥如春龍奮
鬚奇鬼搏人何其壯也後四年伯渾得疾不起子懷
祖集伯渾文章移書走八千里乞予爲序嗚呼伯渾

自少時名震秦蜀東被吳楚一時高流皆尊慕之願
與交方宣撫使臨邊圖復中原制置使并護梁益兵
民皆巨公大人聞伯渾名將聞於朝而卒爲忌者所
沮夫伯渾旣決不肯仕卽無沮者不過有司歲時奉
粟帛牛酒勞問極則如孔皎徐復輩散人號書其事
於史而已於伯渾何失得而忌已如此鄉使伯渾出
而事君爲卿爲公則忌者當益衆排擊沮撓當不遺
力徒比景輪左校殆未可知安得如在眉山躬耕婦
織放意山水優游以終天年耶則伯渾不遇未見可
憾或曰伯渾之才氣空海內無與比其文章共發鉅

爲歌之清廟刻之彝器然後爲拜今一不得施則
爲出巔水涯娛憂紆悲之言豈不可憾哉予曰是則
有命識者爲時惜不爲伯渾歎也

感慨悲壯

跋陳伯正所藏山谷帖

此卷不應移在長安逆旅中亦非貴人席帽金絡馬
傳呼入省時所觀程子他日幅巾筇杖渡青衣江相
羊喚魚潭瑤草橋清泉翠樾之間與中山人共小巢
龍鶴菜飯掃石置風爐煮蒙頂紫苒然後出此卷共
讀乃稱爾

清麗

北卷不誤經年外並燕中表非貴人等冒名

類稿外五則 燕山谷神

卷八

不命諸將各執計不參於軍事也

山真水我趣尋常之信不下湖海之口外城

人福之無時敗之矣

祭顏光祿文

宋 王僧達

維宋孝建三年九月癸丑朔十九日辛未王君以山
羞野酌敬祭顏君之靈嗚呼哀哉夫德以道樹禮以
仁清惟君之懿早歲飛聲義窮幾象文敬班揚性行
剛潔志度淵英登朝光國實宋之華才通漢魏譽浹
龜沙服爵帝典棲志雲阿清交素友比景共波氣高
叔夜嚴方仲舉嵇康陳蕃逸翮獨翔孤風絕侶流連酒德
嘯歌琴緒游顧移年契潤宴處春風首時爰談爰賦
秋露未凝歸神太素明發晨駕瞻廬望路心悽目泣
情條雲互情緒忽亂如雲之互變也涼陰掩軒娥月寢耀微燈動

四字亦奇

光凡牘誰招衾衽長塵絲竹罷調。孽悲蘭宇。骨涕松
嶠。古來共盡牛山有淚。非獨昊天殲我明懿。以此
哀敬陳奠饋申酌長懷。顧望歛歛嗚呼哀哉。

國清志爽。英登時。大國寶宋之華。木。此。對。景。來。
二。書。卦。昔。之。楚。早。秋。英。氣。美。寶。錄。宋。文。蘇。東。坡。詩。以。
蓋。理。明。燭。祭。陳。宋。之。重。宋。平。京。諸。夫。謝。以。直。樹。豈。以。
蘇。宋。奉。數。三。羊。水。凡。公。正。則。十。水。日。辛。未。王。慈。以。山。

三高亭序

宋

范成大

三高者越上將軍姓范氏爲鴟夷子皮晉大司馬東
曹掾姓張氏爲江東步兵唐贈右補闕姓陸氏爲甫
里先生三君不並世而鴟夷子皮又嘗一用人之國
名大功顯而去之李膺智望蕭然臞儒使有爲于當
年其所成就固不可渝度要皆得道見微脫屣天刑
清風峻節相望於松江大湖之上故天下同高之而
吳江之邑人獨思得奉蒸嘗以夸于四方若曰吾東
家丘云爾邑大夫趙伯虛勤勞其邑百廢具舉以故
祠爲陋將改作于是歸老之士鄉老王份獻其地雪

灘左具區右笠澤號稱絕勝乃築堂于其上告遷于
像而奠焉又屬石湖郡之范成大爲之詞噫不有君
子其能國乎今乃自放寂寞之濱棹頭而弗顧人又
從而以爲高豈盛際之所願哉後之人高三君之風
而跡其所以去爲世道計者可以思思過半矣至于
豪傑之士或肆志乎軒冕宴安流連卒悔于後者亦
將有感于斯堂然屈平旣從彭咸而桂叢之賦猶召
隱士○疑若幽隱處林薄不死而仙○况如三君蟬蛻潤
濁○得全于天者○嘗試倚楹而望水光浮空雲目下上
風○颿烟蓬飄忽晦明意必往來其間其何足以知之○

中興遺傳序

宋 陳 亮

初龍可伯康游京師輩飲市肆方呌呼大噉趙九齡
次張旁行過之雅與伯康不相識俄追止次張牽其
臂迫與共飲次張之父時守官河東方以疾聞次張
以實告伯康曰母苦乃翁疾行瘳矣子可人意者爲
我姑少留次張不得已從之箕踞笑歌恢諧縱諠傍
若無人次張固已心異一日行城外過麻村觀大閱
之所伯康勃然曰子亦善射乎次張曰頗亦好之而
不能精也伯康曰姑試之次張從傍取弓挾矢以興
十發而貼中者六七次張心頗自喜伯康拾矢而射

一發中的矢。矢相屬十發無一差者。次張驚曰子射至此乎。伯康曰此亦何足道。千軍萬馬頭目轉動不常意之所指。猶望必中。况此定的。又何怪乎。次張吐其舌不能收。俄指其地而謂次張曰。後三年此間皆胡人。子姑識之。火龍騎日雪飛滿天。此京城破日之兆。因嘻吁長歎。不能自禁。後三年京城失守。其言皆驗。中原流離。伯康自是不復見矣。豈喪亂之際。或死于兵。抑有所奮而不能成也。次張每念其人。言則歎惜。紹興初。韓世忠拒虜于淮西。力頗不敵。次張獻言乞決淮西之水以灌虜營。朝廷易其言而不之信。已

而虜師俄退世忠力請留戰虜酋謂使口開南朝欲
決水以灌我營我豈能落人計中次張言雖不用猶
足以攻敵人之心者類如此次張嘗爲李丞相所辟
得承務郎督府罷次張亦徑歸大駕南渡次張僑居
陽羨故將岳飛嘗隸丞相軍中次張識其人於行伍
言之丞相給帖補軍校後爲統制遇大駕巡永嘉與
諸將徬徨江上莫知攸適又乏糧將謀抄掠次張聞
而竟往說飛移軍陽羨州給之食飛得無他而州境
賴焉人有言次張生平於趙丞相者丞相喜欲用之
復有譖者曰此人心志不可保使其得志必爲曹疑

熱心之言
亦平心之
言

丞相疑沮而止次張度時不用屏居不出竟死昔叅
政周公葵屢爲予言其人且曰我嘗薦之朝廷諸公
皆詰我子端人正士胡爲余言此等狂生我因告之
曰吾儕平居譚王道說詩書一日得用從容廟朝執
持紀綱可也至於排難解紛倉卒萬變此等殆不可
少吾儕旣不能辦而惡他人之能辦是誣天下以無
士而期國事之必不成也是烏可哉余嘗大周公之
言異二生之爲人而惜其屈嘗欲傳其事而不能詳
因歎曰世之豪偉倜儻之士沉沒于困窮不能自奮
以爲世用欲用而卒沮於疑忌如二生者寧有限哉

自重其言

然自古亂離戰爭之際往往奇才輩出嶄然自赴功名之會如建炎紹興之間誠亦不少雖或屈而不用不大或不終未四十年已有不能道其姓字者記事之文可少乎哉自是始欲纂集異聞爲中興遺傳然猶恨聞見單寡欲從先生故老詳求其事故先爲之纂例而以漸足之

二烈女傳

烈女杜氏永嘉大姓女也生而端莊且麗宣和庚子冬妖臘起所在嘯聚相剽殺里有悍賊輩謁杜氏門大言曰以女遺我卽不肯今族汝矣其家驚泣欲與

則不忍不與禍。且及言于女。女曰：無恐。以一女易一家。曷爲不可待我浴而出。趣具湯。其家以告賊。相與謹笑。以俟。既浴。取鏡。沐朱粉。具衫衣。盡飾。俄登几而立。縻帛于梁。而圈其下。度不容冠。抽之。籠其首。整復冠。廼死。其家遑遽號噉。賊聞亦驚。捨去。嗚呼。學士大夫遭難不屈者。萬或一見焉。而謂女子能之乎。方杜氏之不屈以死。猶未足難也。獨其雍容處死而不亂。無異乎子路之結纓。是其難也。不可及已。陳子曰：余世家永康。去杜氏不十里許。余雖不及目其事。大父母屢爲余言如此。雖古之烈女。何以進焉。余旣傳

四前云每
念及此或
惟案大呼
或悲淚填
髮或髮上
尚冠或相
可大笑

其事以示余友應仲實仲實因爲余言宣和辛丑官
軍分捕賊所過乘勢抄掠道永康將之縉雲之境富
民陳氏二女并爲執揮其刃于旁曰從我我婦之否
者死長女不爲動掠髮伸頸請受外官軍斫之次女
竟汚焉後有諗之曰若獨不能爲姊所爲乎次女慘
然連言曰難難世之喜斥人者必曰兒女態陳柱之
態亦兒女乎人之落患難而兒女者事已卽縱辭自
解昂然有得色視陳氏次女有愧他又何說仲實得
之胡先生經仲二君謹言君子也余是以志之
公自贊云其服甚野其貌亦古倚天而號提劍而

送秦少章赴臨安簿序

張 耒

詩不云乎蒹葭蒼蒼白露爲霜夫物不受變則材不
成人不涉難則智不明季秋之月天地始肅寒氣欲
至方是時天地之間凡植物出於春夏雨露之餘華
澤充溢支節美茂及繁霜夜零旦起而視之如戰敗
之軍卷旗棄鼓裹鎗而馳吏士無人色豈特如是而
已於是天地閉塞而成冬則摧敗拉毀之者過半其
爲樂亦酷矣然自是弱者堅虛者實津者燥皆歛藏
其英華於腹心而各效其成深山之木上撓青雲下
庇千人者莫不病焉况所謂蒹葭者乎然匠石操斧

以遊於林一舉而盡之以充棟梁桶杙輪輿輶輻巨
細強弱無一不勝其任者此之謂損之而益敗之而
成虐之而樂者是也。吾黨有秦少章者自余爲太學
官時以其文章示余愀然告我曰惟家貧奉命于大
人而勉爲科舉之文也異時率其意爲詩章古文往
往清麗奇偉工於舉業百倍元祐六年及第調臨安
主簿舉子中第可少樂矣而秦子每見余輒不樂余
問其故秦子曰余世之介士也性所不樂不能爲言
所不合不能交飲食起居動靜百爲不能勉以隨人
今一爲吏皆失已而惟物之應少自偃蹇福悔響至

○耐○傾○方○是○道○

時一身資養於父母今則婦子仰食于我欲不爲
吏亦不可得自今以往如沐漆而求解矣余解之曰
子之前日春夏之草木也今日之病子者蒹葭之霜
也凡人性惟安之求夫安者天下之大患也遷之爲
貴重耳不十九年於外則歸不能霸子胥不奔則不
能入郢二子者其羈窮憂患之時陰益其所短而進
其所不能者非如學于口耳者之淺淺也自今吾子
思前之所爲其可悔者衆矣其所知益加多矣反身
而安之則行於天下無可憚者矣能推食與人者嘗
饑者也賜之車馬而辭焉者不畏徒步者也苟畏饑

而惡步則將有苟得之心焉。爲害不旣多乎。故隕霜
不殺者。物之災也。逸樂終身者。非人之福也。元祐七
年仲春十一日書

此文能起懦夫

張耒字文潛淮陰人。幼穎異。十七時作函關賦。遊
學於陳學官蘇轍。愛之。因得從軾遊。弱冠第進士。
歷起居舍人。紹聖初。請郡。以直龍圖閣知潤州。坐
黨籍徙宣州。謫監黃州酒稅。徙復州。徽宗立。召爲
太常少卿。甫數月。復出知潁州。汝州。崇寧初。復坐
黨籍落職。主管明道宮。初來在潁。聞蘇軾訃。舉

哀行服言者以爲罪遂貶房州別駕安置於黃
年得自便居陳州未筆力絕健於騷詞尤長辭人
作文以理爲主常著論云知文而不務理求文之
工世未常有也夫決水於江河淮海也順道而行
滔滔汨汨日夜不止衝砥柱絕呂梁放於江湖而
納之海其舒爲淪漣鼓爲波濤激之爲風颭怒之
爲雷霆蛟龍魚鼈噴薄出沒是水之奇變也水之
初豈若是哉順道而決之因其所遇而變生焉溝
瀆東決而西竭下滿而上虛日夜激之欲見其奇
彼其所至者蛙蛭之玩耳江河淮海之水理達之

文也。不求奇。而奇至矣。激溝瀆而求水之奇。此無
見於理。而欲以言語句讀爲奇。反覆咀嚼。卒亦無
有。文之陋也。學者以爲至言作詩。晚歲亦務平淡。
效白居易體。而樂府效張籍。久於投閒家。益貧。郡
守翟汝文欲爲買公田。謝不取。晚監南嶽廟主管
崇福宮。卒年六十一。建炎初。贈集英殿修撰。

西園雅集團記

宋米芾

報告粧點
熾其太粧
熱

李伯時效唐小李將軍爲着。色泉石雲物草木花竹
皆妙絕動人而人物秀發各肖其形自有林下風味
無一點塵埃氣不爲凡筆也其烏帽黃道服投筆而
書者爲東坡先生仙桃巾紫裘而坐觀者爲王晉卿
幅巾青衣據方機而凝竚者爲丹陽蔡天啓捉倚而
視者爲李端叔後有女奴雲鬟翠飾侍立自然富貴
風韻乃晉卿之家姬也孤松盤鬱後有凌霄纏絡紅
綠相間下有大石案陳設古器瑤琴芭蕉圍繞坐于
石盤旁道帽紫衣右手倚石左手執卷而觀書者爲

蘇子由。圍巾繭衣。手秉集筴而熟視者。爲黃魯直。幅巾野褐。據橫卷畫淵明歸去來者。爲李伯時。披巾青服。撫肩而立者。爲晁無咎。跪而捉石觀畫者。爲張文潛。道巾素衣。榜膝而撫視者。爲鄭靖老。後有童子執靈壽杖而立。二人坐于盤根古檜下。幅巾青衣袖手側聽者。爲秦少游。琴尾冠紫道服。摘阮者。爲陳碧虛。唐巾深衣。昂首而題石者。爲米元章。袖手而仰觀者。爲王仲至。前有崩頭頑童。捧古硯而立。後有錦石橋。竹逕繚繞于清溪深處。翠陰茂密中。有袈裟坐蒲團。而說無生論者。爲圓通大師。傍有幅巾褐衣而諦聽。

老爲劉巨濟二人並坐于怪石之上下有激湍滾流
於大溪之中水石潺湲風竹相吞爐烟方裊草木自
馨人間清曠之樂不過于此嗟乎洶湧于名利之域
而不知退者豈易得此耶自東坡而下凡十有六人
以文章議論博學辨識英辭妙墨好占多聞雄豪絕
俗之資高深羽流之傑卓然高致名動四夷後之覽
者不獨圖畫之可觀亦足彷彿其人耳

○窮○崖○忽○飛○

西園一集儼然未散 圖耶記耶固知

襄陽筆意
勝于伯時

淨名齋記

帶江萬里十郡百邑繚山爲城臨流爲隍者惟吾丹

聚文多不
甚於練此
衡天乎創
大容

徒重樓參差巧若圖。剗地靈極倪。而雲霞出沒。星辰
挂腹。而天光不夜。高三景小。萬有者。惟吾甘露。東北
極海野。西南朝數山者。謂之多景。然臺殿羽張。寶堵
中盤。五州之後。與西爲阻。若夫東眺京峴。西極栖霞。
平林坡陀。淮海之域。遠岫隱見。滁泗之封。洪流東摺。
白沙之雲。濤如線。大磧南絕。中零之鼎。巖蔚起。筆山
之隙。岩崑雙聳。五州之外。噌嶮千疊。黃鶴寶勢。珠捧
于豆。長山異氣。龍矗于天。晨曦垂虹。時媚于左。長庚
織月。每華其右。千林霜落。萬嶺雪饒。春群于西郭。而
秋留于南巖者。惟吾淨名。天下佳山水。固多矣。在東

寫到此處
滿處只是
曲折少耳
自唐以來
皆然矣

南則抗以湖山。鄣其境。洪以西山。彌其望。潭以岳。麓
周其區。皆一山也。而望兩邦。逮窮荒。迢遞發。周羽皇
之歎者。有之矣。百川匯流而赴北。旣濬旣淵。亦沃亦
蕩也。多山引嶺而趨東。且列且驅。各羣各醜也。吾齋
在萬井之中。半天之上。乃右卷而一揖焉。此其所以
得山川之多。而甲天下之勝也。至若水天鑑湛。而博
望弭槎。葭葦榔鳴。而詹何投餌。洪鐘動。而飛仙下疾。
颺舉而連山湧地。祇聽法水。怪効珍。或鵬雲壓山海。
氣吞野。纖雲漏月。清籟韵松。兜羅密。而靈光生。陰霧
合。而大霆走。瑰奇忽悅。又不可得而詳言之。襄陽米

元章將卜老丹徒而仲宜長者以道相契會內閣將
公穎叔以詩寄云京城汨沒興如何歸倬翩翩返薜
蘿盡室生涯寄京口滿床圖籍鑱巖阿六朝人物東
流盡千古江山北固多爲借文殊方丈地中間容取
病維摩於是宜公以其末句命名予居亦冀公之與
予同此樂也念老矣無佳句壓其勝後之登吾齋攬
吾勝者得不爲吾賦乎

金石錄後序

李易安

予以建中辛巳歸趙氏時丞相作吏部侍郎家素貧
儉德甫在太學每朔望謁告出質衣取半千錢步入
相國寺中碑文果實歸相對展玩咀嚼後二年從官
便有窮盡天下古文奇字之志傳寫未見書買名人
書畫古奇器有持徐熙牡丹圖求錢二十萬留信宿
計無所得捲還之夫婦相向惋悵者數日及連守兩
郡竭俸人以事鉛槧每獲一書卽日勘校裝緝得名
書奕器亦摩玩舒卷摘指疵病盡一燭爲率故紙劄
精緻字畫全整冠於諸家每飯罷坐歸來堂烹茶指

堆積書史言某事在某書某卷第幾葉第幾行以中
否勝負爲飲茶先後中則舉盃大笑或至茶覆懷中
不得飲而起凡書史百家字不刊缺本不誤者輒市
之儲作副本靖康丙午德甫守淄川聞虜犯京師盈
箱溢篋戀戀悵悵知其必不爲已物建炎丁未奔太
夫人喪南來旣長物不能盡載乃先去書之印本重
大者畫之多幅者器之無款識者已又去書之監本
者畫之平常者器之重大者所載尚十五車連艦渡
淮江其青州設第所鎖十間屋期以明年具舟載之
又化爲煨燼已酉趙六月德甫駐家池陽獨赴行都

自岸上望舟中告別予意甚惡呼曰如傳聞城中緩
急奈何遙應曰從衆必不得已先棄輜重次衣衾次
書冊次卷軸次古器獨宗器者可自負抱與身俱存
亡勿忘之徑馳馬去秋八月德甫以病不起時六宮
往江西予遣二吏部所存書二萬卷金石刻二千本
先往洪州至冬虜陷洪遂盡委棄所謂連艫渡江者
又散爲雲烟矣獨餘輕小卷軸寫本李杜韓柳集世
說鹽鐵論石刻數十副軸鼎鼐十數及南唐書數箇
偶在臥內歸然獨存上江旣不可往乃之台溫之衢
之越之杭寄物於嶧縣庚戌春官軍牧叛卒悉取去

入故李將軍家。歸然者十失五六。猶有五七簾挈家
寓越城。一夕爲盜穴壁負五簾去。盡爲吳說運使賤
價得之。僅存不成部帙殘書策數種。忽閱此書。如見
故人。因憶德甫在東萊靜治堂。裝標初就。芸籤縹帶。
束十卷作一帙。日校二卷。跋一卷。此二千卷有題跋
者五百二卷耳。今手澤如新。墓木已拱。乃知有有必
有。無有聚必有散。亦理之常。又胡足道。所以區區記
其終始者。亦欲爲後世好古博雅者之戒云。

李子易字清照。東武趙明誠德甫清憲丞相仲子。

之妻也。

建炎元年奏

宋宗澤

千百年沉
澗猶國醫
指點

臣伏見我國家承平幾二百年數世戴白之老不識
兵革上下恬嬉猶夷度日不復以權謀戰爭爲念乃
以賊虜誕謾爲可憑信朝廷恬視不少置疑不惟不
曾教人坐作進退擊刺挽射之伎俾嚴攻討其間有
實欲買勇思敵所愾之人士大夫不以爲狂則以爲
妄因循苟且以致賊虜顛越不恭遂有前日之禍臣
不勝憤恨然茲非賊虜之能也皆由亡誠實之士鼓
唱驕逸率以歛跡逃避曲辱不耻爲智爲勇耳萬一
有慷慨論列則掩耳不聽別造佞說以相浮動茲無

禮書諸書
無所不可

他大抵只欲助賊張皇聲勢。直爲我祖宗一統基業。
更不當顧藉。直兩手分付與賊虜耳。嗟乎何不忠不
義之甚也。臣每思念涕泗交下。繼之以血。此天地神
明之所昭鑒。臣恭惟淵聖皇帝靖康之初。信此和議。
俾賊大獲而歸去。冬與今春夏賊虜猖獗。大臣柔邪。
諛佞蓄縮畏避者。不敢畧有拒抗語。但詭譎爲誠實。
包藏爲智謀。緘默爲沉鷺。遂致二聖蒙塵。后妃親王。
與無辜之人流離北去。想陛下龍潛濟鄆。嘗親聞見。
張邦昌耿南仲輩所爲也。陛下入繼大統。卽將前主
和議者竄之嶺外。使天下冤抑之氣一旦舒快。日後

臣竊聞陛下日與二三大臣論思講畫必欲大雪我
廟朝之耻激勵卒伍勸率義士悍思勦絕以正夷夏
不意陛下復聽姦邪之語又浸漸望和迂回曲折爲
退走計臣願陛下試一思之陛下初陟位何故以講
和爲非逐當時議臣陛下近日又何故只信憑姦邪
與賊虜爲他日之畫營繕金陵迎奉元祐太后仍遣
省官迎奉太廟木主棄河東河西河北京東京西淮
南陝右七路千百萬生靈如糞壤草芥略不顧恤比
賊虜遣姦狡小醜假作使僞楚爲名來覘我大宋虛
實臣諫如是因納諫狀與留守范納乞收賊虜奉使

敢哉

力戰之

而不肯

六憂耳

之人置之牢狴奏取朝庭指揮庶激軍民士庶懷寃
之心俾肯力戰仰贊陛下再造王室中興大宋基業
之意今却令遷置別館優加待遇臣奉此詔命憂思
涕泣心欲折死不知二三大臣何爲於賊虜情欸如
是之厚而於我國家許謨如是之薄臣每思京師人
情物價漸如我祖宗時若鑾駕一歸則再造之功與
中興之烈必赫奕宏大跨商周而越漢唐矣何姦邪
之臣尚狃和議皇惑聖聰伏望陛下察之臣之樸愚
不敢奉詔以彰國弱此我大宋興衰治亂之機也臣
願陛下思之陛下果以臣言爲狂願盡賜褫削授之

激烈之陽
如此雍容
不迫

焯烟遠惡之地以快姦邪賊臣之心不勝痛憤激切
之至臣籍藁闕下以俟誅戮

遺表

建炎二年七月

心期許國每輸扶厦之忠死不忘君猶積戀軒之意
魂魄將離於形體精忱願達於冕旒中謝代念臣猥
以朴忠受知淵聖擢自困躋羈窮之際付以冠虜往
來之衝適遇陛下出總元戎察臣精著勞效坐籌密
計俾臣得遇屬僚逮夫踐祚之初首錄孤危之迹冠
攘未泯暫爲淮甸之巡宗廟斯存委守留司之鑰力
小任重志大心勞誓殄羯胡再安王室但知懷土非

委命於鴻毛。無復偷生期。暴尸於馬革。夙宵以繼寢。
食靡寧。斯民獲奠枕之安。胡馬無飲河之意。事爲紛
至。黽勉惟多。回視頽齡。已迫桑榆之晚景。益堅素節。
每期松柏之後彫。豈謂餘生。忽先朝露。尚扶病以治
事。敢愛已以顧私。陰陽之寇。海深藥石之功。莫效少
延。殘喘庶畢。願言昨有招安到。楊進等約其衆多。無
慮百萬。昔嘗爲寇。頗聚衆以震師。今已革心。欲爲國
而戡難。足踵道路。雲集都城。已捐吉而戒塗。擬成功
於指日。干戈未舉。舟壑忽移。神爽飛揚。長抱九泉之
恨。功名卑劣。尚貽千古之羞。仰觀瞻之深。必無生

與魏容齋書

宋 謝枋得

正其非
久不通知
我到極粹
處即莫邪
不傷矣

大元制世民物一新宋室逋臣只欠一死上天降才
其生也有日其死也有時某願一死全節久矣所恨
時未至耳大元慈仁如天不妄殺一忠臣義士雖曰
文天祥被姦民誣告而枉死後來寃狀明白姦民亦
正典刑其待亡國之逋臣可謂厚矣某雖至愚極闇
豈不知恩所以寧爲民不爲官者忠臣不事二君烈
女不更二夫此天地間常道也有伊尹之道有伊尹
之志則何事非君何使非民若伯夷柳下惠則自知
不能爲伊尹決不敢學伊尹矣自丙戌程御史將隆

旨宣喚之後今第五次蒙大元以禮招徠上有堯舜
下有巢山上有成湯下有隨光上有周武下有夷齊
其所以效虞人之久而不往願學夷齊之久而不仕
者正欲使天下萬世知大元之量可與爲堯舜可與
爲湯武能使謝某不失臣節視死如歸也茲蒙大叅
相公拘管周先生道院日夜榮動錄事司皂卒十餘
人及坊正屋主監守豈非憂某之逃走耶某是男兒
死卽死耳不可爲不義屈何必逃走大叅相公憂慮
亦太勞矣先民有言慷慨赴死易從容就義難某茲
蒙大叅相公縲紲而到大都以縲絰見留忠齊諸公

且問諸公容一謝某聽其爲大元閒民于大元治道何損殺一謝某成其爲大宋死節于大元治道何益只恐前誤大宋後誤大元上帝監觀必有報應諸公自無面目立于天地間某母喪未葬據禮經不可除服只當緣經見公卿凶服不可入君如大元有命當歷寫江南官吏貪酷生靈愁苦之狀作萬年書獻陛下下一聽進退忠臣不事二君烈女不事二夫此其書中第一義也某自九月十一日離嘉禾卽不食烟火今則并勺水一果不入口矣惟願速死與周夷齊漢龔勝同垂青史可以愧天下萬世爲臣不忠者茲蒙

願賜仰見禮士之盛心某聞之食人之粟者當分人
之憂衣人之衣者當任人之勞乘人之車者當載人
之難某旣以死自處度此生不能報荅恩遇矣義不
敢拜受所以鈞翰臺餽事件盡交還來使回納使帑
外郎又傳鈞旨云欲訪問某何事某初志亦願效一
得之愚今則決不敢矣嘗有公甫文伯死其母敬姜
不哭室老曰焉有子死而不哭者夫其母曰孔子聖
人也再逐于魯而此子不能從今其死也未聞有長
者來內人皆行哭聲閨中自殺者二此子也必于婦
人厚而于長者薄也吾所以不哭君子曰此言出于

母之口不害其爲賢母也。若出于婦人之口，則不免爲妬婦矣。言一也。所居之位異，則人心變矣。其義不出仕者也。今雖有忠謀奇計，則人必以爲妬婦矣。恐徒爲天下所笑，惟相度容之。

却聘書

夷齊雖不仕周，食西山之薇，亦當知武王之恩。四皓雖不仕漢，茹商山之芝，亦當知高帝之恩。况蒸藜舍糲，於大元之名地，于大元之赦某屢矣。某受大元之恩，亦厚矣。若效魯仲連蹈東海而死，則不可。今旣爲大元之游民矣，莊子曰：呼我爲馬者，應之以爲馬。呼

我爲牛者應之以爲牛世之人有呼我爲宋之逋播
臣者亦可呼我爲大元遊惰民者亦可呼我爲宋頑
民者亦可呼我爲大元之逸民者亦可爲輪爲彈與
化往來蟲臂鼠肝隨天付予若貪戀官爵昧于一行
縱大元仁恕天涵地容哀憐孤臣不忍加戮某有何
面目見大元乎某與太平草木同沾聖朝之雨露生
稱善士死表于道曰宋處士謝某之墓雖死之日猶
生之年感恩感德天實臨之司馬子長有言人莫不
有一死死或重于泰山或輕于鴻毛先民廣其說曰
慷慨赴死易從容就義難公亦可以察某之心矣

賀吳丞相革啓

宋 文天祥

維今言路之不通。最爲天下之大弊。縉紳以開口爲諱。事城闕以游談爲危機。如人一家情睽離而衆侮起。如人四體氣壅底而百病生。多故之由。一類諸此。枰更子改舵轉舟移。惟從衆謀。可以合天心。惟廣忠益。可以布公道。盡解群疑。衆難之會。克有平名。成功之休。其惟我公望在今日。某瞻依有素。慕戀惟深。適造闕以戒嚴。聳揚庭而增井。以書上光範。先伸賀厦之私。於人見歐陽行展。樞衣之敬。其爲懇切。罔旣敷宣。

宣

賀蕭尚書孝慶兼給事中啓

高春伯光映夕郎。劔履摩雲。煥清朝之文物。簪裾
日侈。丹地之恩輝。鼓舞風雷。動搖鸞鷺。恭惟某官
名高二陸。才備百夢。風雲上下之交。攝呵龍虎。天日
清明之瑞。鞭駕鳳皇。春行霄漢之三。磨星煥江湖之
四。節蘭臺璧水。安定龜山。彤管青蒲。歐陽司馬。出袖
磨霜之鉞。浩吟捲雨之簾。階轉松陰。旗翻柳色。白馬
盤陀之觀。日紫囊筆橐之生。風矧批敕。瑣闥任朝廷
之綱紀。而侍言經幄。啓帝學之光明。用頒一命。再命
三命之榮。特懋大書。特書屢書之績。卻高麗使。止西

蕃馬讀青史而猶香還諫臣勅繳內侍官稟清游其
水遠必兼廣申公之十論必細陳溫國之王規要看
久遠之功名盡展平生之經濟某濫巾遠服望履層
霄星度文昌遙想蓬萊宮之氣雲行如鏡尚磨蛟龍
字之碑心曲葵葵毫端草草

賀趙侍郎月山啓

選表揚綸歸中持橐來石洲之明月光照海山通明
殿之紅雲影搖河漢介圭覲只會弁驩如恭惟某官
玉粹金剛冰懸雪跨清廟生民之作膾炙諸公于將
莫邪之鋒指麾餘子自傍天而行斗牛之渚便拔地

而起湖海之樓。出入兵間。月析燈碁之耿耿。驅馳江
上。參旂井鉞之堂堂。儒臣知兵。從古所少。天子謀帥
必在其中。方建纛而前十軍。遶帳而不動。及還笏而
去。二童隨馬。而有餘悠悠。四顧於山河落落。一麾於
江海嘯吟。木石。爵謫仙。捉月之魂。上下風檣。訪舍人
麾軍之迹。慨然有神州陸沉之歎。發而爲山。流擊楫
之歌。屬傳風景於峴山。忽駭波濤於天塹。長江爲備
不數處。可共險於敵人。朝廷養兵三十年。當成功于
儒者。乃疇庸於東掖。乃趣貳於西曹。太乙靈旗出陪
貂尾。鈞陳玉檻進逼鼇頭。青天白日。鳳皇之聲名高。

山深林龍虎之氣勢。前行爲兵部。小舒帷幄之謀。大本在中書。亟正鈞樞之拜。某濫巾劇部。望履修門。班漢從於甘泉宮。喜稱知己。勒唐切於浯溪石。已戒有司。

謝何樞密夢然啓

范質傳承曾侈和公之遇。仲淹入館。復蒙元獻之知。使諸公而與同升。豈門生而不知報。輒伸下悃。庸叩中樞。伏念某石室孤寒。青原落魄。幼被家庭之訓。頗欲得其本心。長讀聖賢之書。初無補於當世。從事一研起身。諸生偶得。觚翰於南宮。獲遇鑑衡於北面。焉

鳳杞梓舉集權公之門。款段駑駘誤登伯樂之廐。名
雖塵於函丈。足跡未造於仞墻。山斗之望。彌久而
穹。猷畝之蹤。愈疎而愈隔。閉門自守。知尚口之乃
窮。遯世無求。惟觀願而自養。凡竊祿奉祠之日。皆省
身念咎之時。承明之廬。著作之庭。未嘗意想寂寞之
濱。寬閒之埜。遽拜寵光。胡爲乎來哉。是有其故矣。想
木天之清峻。望丹池以凌競。顧非麒麟鸞鷟之英。其
如亥豕魯魚之謬。深有慙于負乘。敢自已於循墻。茲
蓋恭遇某官名世鉅公。清朝良弼。持樞贊化。共調傳
鼎之梅。報國薦賢不種狄門之李。遂令公選亦及凡

材○其○敢○不○勉○企○前○修○恪○持○素○節○就○中○書○而○見○座○主○將○
求○一○介○之○先○容○以○進○士○而○爲○名○臣○尚○賴○終○身○之○保○任○

謝江樞密古心啓

領○祠○宮○之○香○火○敢○望○彈○冠○掌○冊○苑○之○丹○鉛○誤○蒙○推○轂○
薦○非○由○於○識○面○事○真○可○以○語○人○頂○踵○銜○恩○須○百○奉○記○
切○以○觀○遠○臣○以○所○主○孟○子○以○言○進○退○之○間○遇○太○賢○而○
相○知○韓○公○以○爲○遭○逢○之○盛○蓋○受○恩○非○天○下○所○少○而○知○
已○得○君○子○爲○難○乃○若○初○無○左○右○之○先○容○獨○受○門○牆○之○
隆○遇○此○古○道○之○相○與○尤○人○生○之○至○榮○伏○念○某○執○經○而○
後○承○恩○以○來○念○景○行○在○四○海○之○遠○尊○而○科○第○非○終○身○

之龍事。頗欲自拔於常人之類。庶幾無負於上帝之
求。頃趣闕下之時。適際江干之警。主憂臣辱。念我生
之不振。外阻內訌。緊禍至之無日。因拊躬而思奮。遂
投匭而獻言。當時破腦而剗心。何啻焦頭而爛額。有
倉卒等死之慮。無毫髮近名之心。六太息之陳。豈曰
賈生少年之過。三千字之獻。幸寬鄙謨。東市之誅。逮
時事之既平。茲人言之無劇。小體者戚其失措。好事
者高其得名。痛癢亡知者。以文采爲賢操。挾不正者。
以諱競爲誕。匪躬之故。俱莫諒於初心。尚口乃窮。嗟
難行於直道。既奉祠而竊祿。崑閉門而讀書。未可與

俗人言姑盡我分內事不謂見知於長者遂勤延譽
於諸公承明之廬著作之庭未嘗夢想寂寞之濱寬
閒之埜遽沐寵光非華袞有一字之褒何敝帚增千
金之重雖深慙於負乘然幸出於鈞陶求堅乃心欲
報之德茲蓋伏遇某官清朝碩望昭代真儒囊括
石渠東觀之藏海內仰天球河圖之瑞璽惟世道深
屬我公整頓乾坤共屹江流之柱獻納日月入旋斗
極之樞非徒耀不老之功名將有意太平之禮樂凡
今小往大來之會皆前推後挽之功遂使疎庸例叨
拔擢其敢不力持素節勉企前修稱彥博於都堂幸

借郇公之譽薦仲淹於館職敢忘元獻之知

通董提舉克齋啓

魏闕揚綸熊湘授庾刺史二千石雲渡錦河天圉十
三星春浮絲隰六條先曉一道生風恭惟某官閎閎
雲霄樓高湖海阻金石諧韶濩音振蓬萊踞虎豹登
虬龍氣摩鴈蕩清泚三蘇之穎水崢嶸二眉之象山
自昆丘鳳穴之鳴雛卽溟海鵬雲之增翮上下浙江
之明月早透金閨翱翔輦路之春風曉聽金鑰灑灑
清都之人物飄飄碧落之神仙張乖崖斬叛卒于益
州騷動之餘富鄭公活飢民於青社荒殘之後璽書

選表環召歸班大府上士之清聯帝恩前席常平使
者之新轡公念南湘以醴泉芝草之春爲芳芷桂蘅
之澤九郡顒顒而望賜四牡業業以戒嚴霜飛暑路
旗展春山已搖翠岳烟傍袞龍日臨仙掌遙侍紅雲
某夙出年盟今諧鄰好萬里風雲之天開一藜草木
之味同祝融山外之芙蓉肅迎紫氣泰華峰頭之水
雪佇沐清風

回朱約山餽歲啓

一壑栖遲不覺歲年之晚五雲飛墜頓生草木之春
分四老之玉塵起初平之白石某官陽着物壽極當

霄門有垂車換桃符之新句庭多戲彩沸竹爆之驩
聲猶稱椒柏之芳馨散作茅茨之光寵某肅登嘉貺
祗佩盛心歎巷北之椰榆吾痴未醒祝樽前之強健
翁醉何妨

回黃主簿啓

伏以春華如水驚三紀之流光夏綠滿園又一午之
初度方拾薪而煮瀑卽嚼茗而嚙花敢意一謙有來
多貺厚之厨珍以啓其牢落將之篚實以申其殷勤
童喜相誇爲里中之羊酒兒痴不了笑門外之桑蓬
拜而受之我之懷矣輪囷感臆拍塞謝言

回趙宰啓

三載淵明幸相望於五柳今年潘岳覺已見於二毛
懷我好音賁予初度愛之欲其生也忠焉能勿誨乎
一。崔。自。隨。約。青。山。於。未。老。雙。鳬。何。許。感。流。水。之。相。知。
回謝教授愛山書

寒簷積雨抖擻亡悰得書而讀之昏眼爲拭某落落
白雲間一疇春綠自飯吾犢浮世榮辱事付之山外
裊借所蒙君言多矣然醴露濃郁波及溝斷企瑞芝
而遐眺佩金蘭之永好也美人一方琴書自適爲誦
停雲三過

約山行書

比及門卽拜狀聞車騎在郊外正欲嗣訊韓星忽來
偉然衆雲之贈故人渠渠勞苦行役諸兒那識此意
曉起入山新流沒岸碁聲未盡石骨依然人生徃徃
如此盈虛消息道體流行仁者謂仁智者謂智超然
一笑承有訪刻之約上巳前後擬山行數須王人
在竹所方可乘興分沙一席已戒白鷗退避矣呼燈
走筆馳意沉寥

告先太師墓文

維已卯五月初越二十有六日孝子祥自嶺被執至

南安軍謹具香幣遣人馳告于先太師華齋先生墓
下。烏乎人誰不爲臣。而我欲盡忠。不得爲忠人。誰不
爲子。而我欲盡孝。不得爲孝。天乎。使我至此極耶。始
我起兵。赴難勤王。仲弟將家。遁于南荒。宗廟不守。遷
我異疆。大臣之誼。國亡家亡。靈武師興。解方歸國。再
相出督身。荷憂責江南之役。義聲四克。爲親拜墓。以
剪荆棘。大勛垂集。一跌崎嶇。妻妾子女六人。爲俘收
拾散亡。息于海隅。庶幾奮厲。以爲後圖。惡運推遷。天
所廢棄。有母之喪。尋失嫡子。哭泣未乾。兵臨其壘。倉
皇之間。二女夭逝。剪爲囚虜。形影獨存。仰藥不瘳。竟

其轅繫頸繫足。過我里門。望墓相從。恨不充原。爰
指松楸。有言若誓。繼令支子。實與祀事。有姪曰敏。我
身是嗣。興言及此。血淚如雨。烏乎自古。危亂之世。忠
臣義士。孝子慈孫。其事之不能兩全也久矣。吾生不
辰。罹此百凶。求仁得仁。抑又何怨。幽明死生一理也。
父子祖孫一氣也。宜漠有知。尚哀鑒之。

予始至南安軍。卽絕糧。爲告墓文。遣人馳歸白之。
祖。禰目長。遲令笑入地矣。乃水盛風駛。五日過
廬陵。又二日至豐城。知所遣人竟不得行。予至是
不食垂八日。若無事然。私念此廬陵不失爲首丘。

今○心○事○不○達○委○命○荒○江○誰○知○之○者○盍○少○從○容○以○就○
義○乎○復○飲○食○如○初○因○記○左○傳○申○包○胥○哭○秦○庭○七○日○
勺○飲○不○入○口○不○聞○有○宅○乃○知○餓○踣○西○山○非○一○朝○夕○
之○積○也○予○嘗○服○腦○子○二○兩○不○死○絕○食○八○日○又○不○死○
未○知○死○何○日○死○何○所○哀○哉○

回○吉○州○陳○守○緯○啓○吟○詩○自○樂○退○求○元○亮○之○心○設○梯○
相○看○徒○盛○陳○蕃○之○意○賀○李○湖○南○改○除○曹○憲○啓○五○

丈○原○之○流○馬○木○牛○運○於○尊○俎○八○景○畫○之○晚○鐘○沙○鴈○
同○是○江○山○又○太○微○二○十○五○星○旌○搖○江○漢○祝○融○九○千○
餘○丈○節○倚○雲○霄○當○驅○馳○吟○遣○使○之○詩○每○忼○慨○誦○
師○出○

之表落落襄樊之事會悠悠江漢之風寒通羅
提舉京子啓九折回王尊之馭爲範馳驅四方隨
東野之龍願從鞭弭宴客啓南有箕北有斗所
願挹漿君向湘我向秦若爲聞笛回楊秘監啓
綠蓑風雨之中方茲餐菊舊繡波濤之後復爾夢
蕉通丁侍郎啓空萬馬以無前領衆上上
又詎期漢節之來喚醒楚騷之讀通楊提刑啓
召賈誼於長沙上心久渴見夷吾於江左天下何
憂謝章僉事啓一壑白雲對哺烏而俯仰十年
流水忘夢鹿之去來又奉使登車敢自詭范滂之

操爲親拜表尚曲全李密之私。謝陳尚書宜中
啓宿昌黎之南斗自歎我辰事元亮之西疇每懷
前路。賀劉尚書黼啓一疏辨奸少日老泉之氣
識十條論事平生小范之精神爲御史爲諫官張
膽論事真舍人真侍講吐詞爲經。回八。賀。小。額
影躊躇漸有雲東西之迹懷人飛越相望斗南北
之輝。謝倉守李愛梅啓家庭自爲庠序要祖廬
江興學之風文字懶傍門牆惟準石室立言之法
賀江古心判潭州啓起觀一世之安危端係大人
之出處。荅中秋請啓風雨滿城何幸兩重陽之

近江山如畫尚從前赤壁之遊。

先生云痛飲讀離騷又云喚醒楚騷之讀

祖。師。是。合。人。直。許。精。妙。品。也。
 滿。十。餘。篇。寧。乎。坐。小。哉。之。辭。恢。弘。時。史。也。
 前。祖。賢。隱。尚。書。譜。著。一。編。載。我。史。其。心。
 祖。師。昌。黎。之。南。半。自。我。外。以。來。示。示。之。已。不。

望祭文丞相文

王炎午

相國文公再被執時予嘗爲文生祭之已而吉水張
千載心弘毅自燕山持丞相髮與齒歸丞相旣得死
矣嗚呼痛哉謹望奠再致一言 嗚呼扶顛持危
文山諸葛相國雖同而公死節倡義舉身二口張巡
殺身不異而公秉釣名相烈士合爲一傳三千年間
人不兩見事繆身執義當勇決祭公速公童子易簪
何如天意佑忠憐才留公一死易水金臺乘氣捐軀
壯士其或久而不易雪霜松柏嗟哉文山山高水深
難回者天不負者心常山之髮侍中之血日月韜光

山河改色。生爲名臣。死爲列星。不然。勁氣爲風。爲霆。
刺。莫耶。或寄良冶。出世則神。入土不化。今夕何夕。
十轉河斜。中有光芒。非公也耶。

附生祭文丞相文

丞相再執就義。未聞慷慨之見。固難測識。因與劉
堯舉對牀。共賦感慨。嗟惜之。堯舉先賦云。留中
子墳孤竹。誰向西山飯伯夷。予問其下句義。則謂
伯夷久不死。必有飯之矣。予謂向字有憂其餓而
願人餉之之意。請改作在字。如何。堯舉然之。予以
寂寥短章。不足用。吾情遂不復賦。蓋丞相初起兵。

僕嘗赴其召進狂言有云願明公復毀家產供給
軍餉以倡士民助義之心請購淮卒參錯戎行以
訓江廣烏合之衆他所議論狂斐尤多慷慨慙愚
丞相嘉納令何見山進之幕府授職從戎僕以身
在大學父歿未葬母病危殆屬以時艱不能效
忠退復虧孝慙慙感泣以母老控辭丞相憐而從
之僕於國恩爲已負於丞相之德則未報遂作生
祭丞相文以述丞相之死堯舉讀之流涕遂相與
謄錄數十本自贛至洪於驛途水步山牆店壁貼
之冀丞相經從一見雖不自揣量亦求不負此心

耳堯舉召應鳳黃甲科第授僉判與其兄堯咨文
章超卓爲安成名士 維年月日里學生舊大學

觀化齋生王炎午謹採西山之薇酌汨羅之水哭

祭於文山先生未死之靈而言曰嗚呼大丞相可

死矣文章周魯科第郊祁斯文不朽可死喪父受

如何可死

公卿祖奠之榮奉母極東西迎養之樂爲子孝可

如何可死

死二十而巍科四十而將相功名事業可死仗義

方是

勤王使命不辱不負所學可死華元賸子胥脫

走丞相自敘死者數矣誠有不幸則國事未定臣

節未明今鞠躬盡瘁則諸葛矣保得闢廣則田單

卽墨矣。倡義勇出則願平原申包胥矣。雖舉事率

無所成而大節亦無媿所欠。○未○嘗○欠○一死耳奈何再執涉

月踰時就義寂寥聞者驚惜豈丞相尚欲脫去耶

尚欲有所爲耶或以不屈爲心而以不死爲事耶

抑舊主尚在不忍棄捐耶伏橋于厠舍之徒又筑

于目矐之餘於所希在再縱求生則二子爲不知

矣尚欲有所爲耶識時務者在俊傑昔東南全勢

不能解襄圍今以亡國一夫而欲抗天下况趙孤

蹈海楚懷入關商非前日之頑周無未獻之地南

北之勢旣合天人之際可知彼齊廢齊興楚亡楚

復皆兩國相當之勢而國君大臣固無恙耳今事
勢無可爲而臣皆爲執矣臣子之於君父臨大節
決大難事可爲則屈意忍死以就義必不幸則仗
大節以明分故身執而勇于就義當以杲卿張巡
諸子爲上李陵降矣而曰欲有爲且思刎頸以見
志其言誠僞旣不可知况刑拘勢禁不知者十
八九惟不刎刎豈足以見志况使陵降後死他故
則頸且不復刎志何自而明哉丞相之不爲陵不
待知者而信奈何慷慨遲回日久月積志消氣餒
不陵亦淩豈不惜哉欲不屈而死耶惟蘇子卿可

漢室方隆子卿使耳非有興復事也非有抗
讐也丞相事何事降與死當有分矣李光弼討史
思明方戰納劒於靴曰夫戰危事也吾位三公不
可辱於賊萬一不利自當刎李存勗伐梁梁帝朱
友貞謂近臣皇甫麟曰晉吾世讐也不丁矣彼乃
鋸卿可盡我命麟於是哀泣進刃於帝而亦自刎
今丞相以三公之位兼睚眦之讐投機明辨豈堪
在李光弼朱友貞下乎屈且不保况不屈乎丞相
不死當有死丞相者矣自死於義死於勢死於人
以怒罵爲烈死於怒罵則肝腦腸腎有不忍言者

不必以此相寒然亦見去朋忠愛

矣雖鑊湯刀鋸烈士不辭苟可就義以歸全豈不
因忠而成孝事在目睫丞相何所俟乎以舊主尚
在未忍棄捐也李昇纂楊行密之業遷其子孫于
廣陵嚴兵守之至子孫自爲匹耦然猶得不死周
世宗征淮南下詔撫安楊氏子孫昇驚疑盡殺
其族夫撫安本以爲德又反爲禍幾能一不
懼哉蜀王衍旣歸唐莊宗發三辰之誓全其宗族
未幾信伶人景進之計衍族盡誅幾微之倚伏可
不畏哉夫以趙祖之遇降主天固巧於報施然肆
其暫處俗坐苟安舊主正坐於危疑羈臣死事於

骯髒而聲氣所逼猜嫌必生豈無李昇之疑或景
進之計則丞相於舊主不足爲情而反爲害矣炎
午丞相鄉之晚進士也前成均之弟子員進而父
沒退而國亡生雖媿陳東報汴之忠死不效陸機
入洛之耻丞相起兵次鄉國時有少子行斐
熲叫軍門丞相察其憂憤而進之憐其親老而退
之非僕也耶痛惟千載之事既負於前一得之愚
敢默於後進薄昭之素服先元亮之挽歌願與丞
相商之廬陵非丞相父母邦乎趙太祖語孟昶母
曰勿戚戚行遣汝歸蜀昶母曰妾太原人願歸太

原不願歸蜀契丹遷晉帝出及李太后安太妃于
建州太后疾死謂帝曰我死焚其骨送范陽僧寺
無使我爲虜地鬼也安太妃臨卒亦謂帝曰當焚
我爲灰向南颺之庶遺魄得返中國也彼婦人彼
國后一死一生尚眷眷故鄉不忍飄棄仇讐外國
况忠臣義士乎人不七日穀則斃自梅嶺以出縱
不得留漢廐而從田橫亦當吐周粟而友孤竹至
父母邦而首丘焉廬陵盛矣科尊矣宰相忠烈
合爲一傳矣舊主故老死於降邸宋亡而趙不絕
矣不然或拘囚而不死或秋暑冬寒五日不汗瓜

帶噴鼻而死畏死排牆死盜賊毒蛇猛虎死輕一
死於鴻毛虧一簣於泰山而或遺舊主憂縱不斷
趙盾之殺君亦將悔伯仁之由我則鑄錯已無鐵
噬臍寧有口乎嗚呼四忠一節待公而大爲位其
間聞訃則哭

古文奇賞

卷三

祭文丞相文

五

五

no 2209 {
2nd tas }